

Na osnovu člana 144 stav 6 Zakona o veterinarstvu ("Službeni list CG", br. 30/12, 48/15, 52/16), člana 109 stav 1 alineja 4 Zakona o bezbjednosti hrane ("Službeni list CG", broj 57/15) i člana 18 stav 7 Zakona o zdravstvenoj zaštiti bilja ("Službeni list RCG", broj 28/06 i "Službeni list CG", br. 28/11 i 48/15), Ministarstvo poljoprivrede i ruralnog razvoja donijelo je

PRAVILNIK O BLIŽIM USLOVIMA ZA UNOS POŠILJKI PROIZVODA ŽIVOTINJSKOG PORIJEKLA I HRANE ZA KUĆNE LJUBIMCE KOJU UNOSE PUTNICI KAO LIČNU POŠILJKU*

Član 1

Ovim pravilnikom propisuju se bliži uslovi za unos ličnih pošiljki proizvoda životinjskog porijekla, hrane i hrane za kućne ljubimce i malih količina pojedinih vrsta bilja i biljnih proizvoda koje unose putnici preko graničnih prelaza.

Član 2

(1) Proizvodi životinjskog porijekla koje unose putnici kao lične pošiljke, za njihovu ličnu potrošnju i koji potiču iz država ili dijela država iz koje uvoz nije zabranjen i koji ne podlježu obaveznom veterinarskom pregledu dati su u Prilogu 1.

(2) Pošiljke iz stava 1 ovog člana mogu se unositi u količini koja ne prelazi:

- 5 kg, za proizvode iz Dijela 1 Priloga 1;
- 2 kg, za proizvode iz Dijela 2 Priloga 1;
- 20 kg, za eviscerirane svježe ili pripremljene proizvode ribarstva ili prerađene proizvode ribarstva iz Dijela 3 Priloga 1;
- 2 kg, za ostale proizvode.

Član 3

Hrana koju putnici mogu da unesu kao ličnu pošiljku, za njihovu ličnu potrošnju i koja potiče iz država ili dijela država iz koje uvoz nije zabranjen, može se unositi u količini koja ne prelazi:

- 1 kg, za sušeno voće, povrće, sušene gljive, sirova kafa, kakao u zrnu, začini, čajevi;
- 1 l, za alkoholna pića u originalnoj ambalaži;
- 2 l, za ostala pića u originalnoj ambalaži;
- 5 l za flaširanu vodu u originalnoj ambalaži;
- 1 kg, za kompozitnu i ostalu hranu u originalnoj ambalaži, koja ne zahtijeva poseban temperaturni režim čuvanja.

Član 4

(1) Hrana za kućne ljubimce koju unose putnici kao lične pošiljke za njihovu ishranu i potiču iz država ili dijela država iz koje uvoz nije zabranjen i koje ne podlježu obaveznom veterinarskom ili fitosanitarnom pregledu date su u Prilogu 2.

(2) Pošiljke iz stava 1 ovog člana mogu se unositi u količini koja ne prelazi:

- 10 kg, za proizvode iz Dijela 1 Priloga 2;
- 2 kg, za proizvode iz Dijela 2 Priloga 2.

Član 5

(1) Male količine bilja i biljnih proizvoda za ličnu potrošnju, mogu se unositi u Crnu Goru, ako se koriste za neindustrijske ili nekomercijalne svrhe ili se koriste tokom putovanja, pod uslovom da su porijeklom iz država ili dijela država iz kojih uvoz nije zabranjen.

(2) Male količine bilja iz stava 1 ovog člana mogu se unositi u količini koja ne prelazi:

- 5 kg, za svježe voće i povrće, osim krompira;
- 1 buket ili vijenac, za rezano cvijeće i djelove bilja;
- 100 g, za sjeme cvijeća i povrća u originalnom pakovanju;
- 3 kg, za lukovice i gomolje ukrasnog bilja;
- 3 biljke, za sobno i saksijsko bilje, osim bonsaia;
- 10 biljaka, za balkonsko bilje i nezdrvenjelo ukrasno grmlje.

(3) Pošiljka bilja, biljnih proizvoda koja se naručuje pouzećem (pošta, telefon, internet) i koja je poslata fizičkim licima kao mala pošiljka, može se unijeti ako ispunjava uslove iz stava 2 ovog člana.

Član 6

(1) Uslovi koje treba da ispunjavaju lične pošiljke proizvoda životinjskog porijekla, hrana i hrana za kućne ljubimce, kao i male količine za pojedine vrste bilja i biljnih proizvoda ističu se na graničnim prelazima, na vidnom mjestu u vidu obavještenja.

(2) Obavještenje iz stava 1 ovog člana ističe se na bilbordu i treba da sadrži informacije date u Prilogu 3, a po potrebi i dodatne informacije date u Prilogu 4.

(3) Informacije iz stava 2 ovog člana, treba da su ispisane na crnogorskom jeziku ili/i engleskom jeziku ili jeziku susjedne države.

(4) Informacije iz st. 2 i 3 ovog člana objavljuju se na internet stranici organa uprave nadležnog za poslove carine i organa uprave nadležnog za bezbjednost hrane, veterinu i fitosanitarne poslove.

(5) Hrana i bilje i biljni proizvodi, koji ne ispunjavaju uslove iz čl. od 2 do 5 ovog pravilnika, odlažu se u posebne kontejnere i uništavaju na propisan način.

Član 7

Prilozi iz čl. 2, 4 i 6 ovog pravilnika čine sastavni dio ovog pravilnika.

Član 8

Danom stupanja na snagu ovog pravilnika prestaju da važe Pravilnik o bližim uslovima, vrstama i količinama hrane životinjskog porijekla, kombinovane hrane, hrane za kućne ljubimce i bilja i biljnih proizvoda, koji se koriste tokom putovanja ili se unose na teritoriju Crne Gore, naručuju pouzećem ili služe za snabdijevanje posade i putnika u prevoznim sredstvima u međunarodnom saobraćaju ("Službeni list CG", broj 27/08) i Pravilnik o bližim uslovima, vrstama i količinama hrane biljnog porijekla nakon primarne proizvodnje, kombinovane hrane i ostale hrane, koja se koristi tokom putovanja ili se unosi na teritoriju Crne Gore, naručuje pouzećem ili služi za snabdijevanje posade i putnika u prevoznim sredstvima u međunarodnom saobraćaju ("Službeni list CG", broj 32/08).

Član 9

Ovaj pravilnik stupa na snagu osmog dana od dana objavljivanja u "Službenom listu Crne Gore".

*U ovaj pravilnik prenijeti su čl. 2 do 4 i prilozi 1, 2, 3 i 4 Uredbe komisije (EZ) br. 206/2009 od 5.marta 2009. o uvozu u Zajednicu ličnih pošiljki proizvoda životinjskog porijekla i izmjena Uredbe (EZ) br. 136/2004

Broj: 323-64/17-1
Podgorica, 3. jula 2017. godine

Ministar,
mr **Milutin Simović**, s.r.

PROIZVODI ŽIVOTINJSKOG PORIJEKLA KOJE UNOSE PUTNICI KAO LIČNE POŠILJKE

DIO 1		
Tarifna oznaka	Naziv	Kvalifikacija i obrazloženje
ex poglavlje 2. (0201-0210)	Meso i jestivi nus proizvodi klanja	Osim žabljih bataka (Tarifna oznaka 0208 90 70)
0401 - 0406	Mliječni proizvodi	Svi
0504 00 00	Crijeva, beške i želuci od životinja (osim riba), cijeli ili u komadima, svježi, rashlađeni, smrznuti, usoljeni, u salamuri, sušeni ili dimljeni	Svi, osim crijeva za kobasice
1501 00	Svinjska mast (uključujući jestivu mast) i mast živine, osim onih iz tarifnih brojeva 0209 ili 1503	Svi
1502 00	Masnoće od životinja vrsta: goveda, ovaca ili koza, osim onih iz tarifnog broja 1503	Svi
1503 00	Stearin iz jestive svinjske masti, ulje iz jestive svinjske masti, oleostearin, oleo-ulje i ulje iz loja, ne emulgovani i ne miješani ili na drugi način pripremljeni	Svi
1506 00 00	Ostale masti i ulja životinjskog porijekla i njihove frakcije, prečišćeni ili neprečišćeni ili, ali hemijski nemodifikovani	Svi
1601 00	Kobasice i slični proizvodi, od mesa, mesnih klaničnih proizvoda ili krvi; prehrambeni proizvodi na bazi tih proizvoda	Svi
1602	Ostali pripremljeni ili konzervisani proizvodi od mesa, drugih klaničnih proizvoda ili krvi	Svi
1702 11 00 1702 19 00	Laktoze i laktozni sirup	Svi
ex 1901	Ekstrakt slada; prehrambeni proizvodi od brašna, prekrupe, griza, skroba ili ekstrakta slada, bez kakaa ili sa dodatkom kakaa u količini manjoj od 40 % po masi kaka, računato na potpuno odmašćenu osnovu, na drugom mjestu ne pomenuti niti obuhvaćeni; prehrambeni proizvodi od roba iz tarifnih brojeva od 0401 do 0404, bez dodatka kakaa ili sa sadržajem kakaa manjim od 5 % po masi, računato na potpuno odmašćenu osnovu, na drugom mjestu ne pomenuti niti obuhvaćeni	Samo oni dodaci koji sadrže meso ili mlijeko
ex 1902	Tjestenine, kuvana ili nekuvane ili punjene (mesom ili drugim sadržajem) ili drukčije pripremljena, kao što su špageti, makaroni, rezanci, lasanje, njoki, ravioli, kaneloni; kuskus, pripremljen ili nepripremljen	Samo oni dodaci koji sadrže meso ili mlijeko
ex 1905 90	Hleb, pecivo, kolači, biskviti i ostali pekarski proizvodi, sa dodatkom kakaa ili bez dodatka kakaa; nafora, kapsule za farmaceutske proizvode, oblande, pirinčana hartija i slični proizvodi	Samo oni dodaci koji sadrže meso ili mlijeko
ex 2004	Ostalo povrće, pripremljeno ili konzervisano na drugi način osim u sirćetu ili sirćetnoj kiselini, smrznuto, osim proizvoda iz tarifnog broja 2006	Samo oni dodaci koji sadrže meso ili mlijeko
ex 2005	Ostalo povrće, pripremljeno ili konzervisano na drugi način osim u sirćetu ili osirćetnoj kiselini, nesmrznuto, osim proizvoda iz tarifnog broja 2006	Samo oni dodaci koji sadrže meso ili mlijeko
ex 2103	Preparati za soseve i pripremljeni sosovi; miješani začini i miješana začinska sredstva; brašno i griz od slačice i pripremljena slačica (senf)	Samo oni dodaci koji sadrže meso ili mlijeko
ex 2104	Supe i čorbe i preparati za te proizvode; homogenizovani složeni prehrambeni proizvodi	Samo oni dodaci koji sadrže meso ili mlijeko
ex 2105 00	Sladoled i drugi slični proizvodi, sa dodatkom ili bez dodatka kakaa	Samo oni dodaci koji sadrže meso ili mlijeko
ex 2106	Prehrambeni proizvodi na drugom mjestu ne pomenuti niti obuhvaćeni	Samo oni dodaci koji sadrže meso ili mlijeko
DIO 2		
Mlijeko u prahu za odojčad, hrana za odojčad i posebna hrana koja se koristi iz medicinskih razloga, pod sljedećim uslovima za te proizvode:		
– ne moraju se rashladiti prije otvaranja; – upakovani su proizvodi sa žigom za direktnu prodaju krajnjem potrošaču; i – njihovo pakovanje nije oštećeno, osim ako se trenutno koristi.		
DIO 3		
- svježi proizvod ribarstva je neprerađeni proizvod ribarstva u cjelosti ili obrađen, koji obuhvata i pakovane proizvode u vakuumu ili u kontrolisanoj atmosferi, koji radi čuvanja nije podvrgnut nijednom postupku prerade, osim hlađenja; - pripremljeni proizvod ribarstva je neprerađeni proizvod ribarstva koji je podvrgnut postupku koji utiče na njegovu anatomsku cjelovitost, kao što su uklanjanje glave i unutrašnjih organa, rezanje na odreske, filete ili komadiće; - prerađeni proizvod ribarstva je proizvod koji nastaje preradom proizvoda ribarstva ili daljom preradom tih proizvoda;		

POŠILJKE HRANE KOJE MOGU DA UNOSE PUTNICI KAO LIČNE POŠILJKE

DIO 1		
Tarifna oznaka	Naziv	Kvalifikacija i obrazloženje
0511	Proizvodi životinjskog porijekla ne pomenuti niti obuhvaćeni na drugom mjestu; mrtve životinje iz glava 1 i 3, neupotrebjive za ljudsku ishranu	
ex 2309	Preparati koji se upotrebljavaju za ishranu životinja	Samo hrana za kućne ljubimce, žvakalice za pse i mješavine od brašna koje sadrže meso i mlijeko
<i>Napomene:</i> 1. Kolona 1: Ako se u okviru veterinarskih kontrola trebaju pregledati samo određeni proizvodi jedne tarifne oznake i nema posebne potpodjele pod tom oznakom u nomenklaturi roba, oznaka je označena sa „ex” (npr. ex 19 01: uključuju se samo oni proizvodi koji sadrže meso ili mlijeko). 2. Kolona 2: Opis proizvoda odgovara opisu navedenom u koloni opisa u Uredbi o carinskoj tarifi za 2017. 3. Kolona 3: Ova kolona sadrži pojedinosti o obuhvaćenim proizvodima.		
DIO 2		
Posebna hrana za kućne ljubimce koja se koristi iz medicinskih razloga, može se unositi kao lična pošiljka ako: – se ne moraju hladiti prije otvaranja; – su pakovani sa žigom za direktnu prodaju krajnjem potrošaču; i – nijesu oštećeni, osim ako se trenutno koristi.		

OBAVJEŠTENJE O USLOVIMA KOJE TREBA DA ISPUNJAVAJU LIČNE POŠILJKE

(MNE) CRNA GORA SPRIJEČIMO UNOŠENJE ZARAZNIH BOLESTI PRENOSIVIH HRANOM U CRNU GORU! PROIZVODI ŽIVOTINJSKOG PORIJEKLA MOGU SADRŽAVATI UZROČNIKE BOLESTI PRENOSIVIH HRANOM I ZARAZNIH BOLESTI ŽIVOTINJA DOZVOLJENO JE UNOŠENJE: • MLJEKA U PRAHU I DRUGIH PROIZVODA ZA ISHRANU DJECE I HRANE KOJA SE KORISTI IZ MEDICINSKIH RAZLOGA, AKO TI PROIZVODI NE ZAHTIJEVAJU POSEBNE USLOVE ČUVANJA, AKO SU DEKLARISANI, NEOŠTEĆENE AMBALAŽE, OSIM U SLUČAJU DA SE TRENUTNO KORISTE.	(EN) MONTENEGRO LET'S PREVENT INTRODUCTION OF INFECTIOUS FOOD-BORNE DISEASES INTO MONTENEGRO! PRODUCTS OF ANIMAL ORIGIN MAY CONTAIN FOOD-BORNE PATHOGENS AND INFECTIOUS ANIMAL DISEASES AGENTS IT IS ALLOWED TO INTRODUCE: • POWDERED MILK AND OTHER PRODUCTS FOR CHILDREN'S NUTRITION AND FOODS USED FOR MEDICAL REASONS, PROVIDED THAT SUCH PRODUCTS DO NOT REQUIRE SPECIAL STORAGE CONDITIONS, THAT THEY ARE PROPERLY LABELLED, IN UNBROKEN PACKAGING UNLESS IN CURRENT USE.
HRANU ŽIVOTINJSKOG PORIJEKLA POTREBNO JE PRIJAVITI GRANIČNOM CARINSKOM ORGANU PRI DOLASKU NA GRANIČNI PRELAZI! FOOD OF ANIMAL ORIGIN MUST BE REPORTED TO THE BORDER CUSTOMS UPON ARRIVAL TO THE BORDER CROSSING!	
SPRIJEČIMO UNOŠENJE BILJNIH BOLESTI U CRNU GORU! BILJE I BILJNI PROIZVODI MOGU SADRŽAVATI ŠTETNE ORGANIZME I UZROČNIKE BILJNIH BOLESTI DOZVOLJENO JE UNOŠENJE MALIH KOLIČINA BILJA: • SVJEŽEG VOĆA I POVRČA (OSIM KROMPIRA), UKUPNE TEŽINE DO 5 kg; • JEDNOG BUKETA ILI VIJENCA OD REZANOG CVIJEĆA ILI DIJELOVA BILJA; • SJEMENA CVIJEĆA I POVRČA U ORIGINALNOM PAKOVANJU, UKUPNE TEŽINE DO 100 g; • LUKOVICA I GOMOLJA UKRASNOG BILJA, UKUPNE TEŽINE DO 3 kg; • NAJVIŠE 3 KOMADA SOBNOG I SAKSIJSKOG BILJA (ISKLUČUJUĆI BONSAI); • NAJVIŠE 10 KOMADA BALKONSKOG BILJA I NEZDRVENJELOG UKRASNOG GRMLJA.	LET'S PREVENT INTRODUCTION OF PLANT DISEASES INTO MONTENEGRO! PLANTS AND PLANT PRODUCTS MAY CONTAIN HARMFUL ORGANISMS AND AGENTS OF PLANT DISEASES IT IS ALLOWED TO INTRODUCE THE FOLLOWING SMALL QUANTITIES OF PLANTS: • FRESH FRUIT AND VEGETABLES (EXCEPT POTATOES) IN TOTAL QUANTITY NOT EXCEEDING 5 KG, • ONE BOUQUET OF FLOWERS OR ONE WREATH MADE FROM CUT FLOWERS OR PLANT PARTS, • FLOWER AND VEGETABLE SEEDS, IN THE ORIGINAL PACKAGING, IN TOTAL QUANTITY NOT EXCEEDING 100g, • ORNAMENTAL PLANTS' BULBS AND TUBERS, IN TOTAL QUANTITY NOT EXCEEDING 3 KG, • UP TO 3 PIECES OF INDOOR AND POTTED PLANTS (EXCEPT BONSAI), • UP TO 3 PIECES OF BALCONY PLANTS AND NON-LIGNIFIED ORNAMENTAL BUSHES.
BILJE I BILJNE PROIZVODE POTREBNO JE PRIJAVITI GRANIČNOM CARINSKOM ORGANU PRI DOLASKU NA GRANIČNI PRELAZI! PLANTS AND PLANT PRODUCTS MUST BE REPORTED TO THE BORDER CUSTOMS UPON ARRIVAL TO THE BORDER CROSSING!	
ZAŠTITIMO SE OD BOLESTI PRENOSIVIH HRANOM! DOZVOLJENE VRSTE I KOLIČINE HRANE KOJA SE KORISTI TOKOM PUTOVANJA U SREDSTVIMA PREVOZA, A KOJA SE MOŽE UNIJETI NA TERITORIJU CRNE GORE: • PROIZVODI ZA ISHRANU DJECE I DIJETETSKA HRANA KOJA SE KORISTI IZ MEDICINSKIH RAZLOGA, POD USLOVOM DA TI PROIZVODI NE ZAHTIJEVAJU POSEBNE USLOVE ČUVANJA, DA SU DEKLARISANI, NEOŠTEĆENE AMBALAŽE, OSIM U SLUČAJU DA SE TRENUTNO KORISTE; • SUŠENO VOĆE, POVRČE, SUŠENE GLJIVE, SIROVA KAVA, KAKAO U ZRNU, ZAČINI, ČAJEVI, UKUPNE TEŽINE DO JEDNOG KILOGRAMA; • ALKOHOLNA PIĆA, U ORIGINALNOJ AMBALAŽI, DEKLARISANA, U UKUPNOJ KOLIČINI DO JEDNOG LITRA; • OSTALA PIĆA, U ORIGINALNOJ AMBALAŽI, DEKLARISANA, U UKUPNOJ KOLIČINI DO DVA LITRA • FLAŠIRANA VODA, U ORIGINALNOJ AMBALAŽI, DEKLARISANA, U UKUPNOJ KOLIČINI DO PET LITARA; • KOMBINOVANA I OSTALA HRANA KOJA JE UPAKOVANA, DEKLARISANA, NAMIJENJENA ZA DIREKTNO KONZUMIRANJE OD STRANE KRAJNJEG POTROŠAČA, DA NE ZAHTIJEVA POSEBAN TEMPERATURNI REŽIM ČUVANJA, U ORIGINALNOJ AMBALAŽI, OSIM AKO SE TRENUTNO KORISTI, U UKUPNOJ KOLIČINI DO JEDNOG KILOGRAMA.	LET'S PROTECT OURSELVES AGAINST INFECTIOUS FOOD-BORNE DISEASES! TYPES AND QUANTITIES OF FOOD USED DURING TRAVEL THAT ARE ALLOWED TO BE INTRODUCED INTO THE TERRITORY OF MONTENEGRO • CHILDREN'S NUTRITION PRODUCTS AND FOODS USED FOR MEDICAL REASONS, PROVIDED THAT SUCH PRODUCTS DO NOT REQUIRE SPECIAL STORAGE CONDITIONS, THAT THEY ARE PROPERLY LABELLED, IN UNBROKEN PACKAGING UNLESS IN CURRENT USE; • DEHYDRATED FRUIT, VEGETABLES, DEHYDRATED MUSHROOMS, RAW COFFEE, RAW CACAO BEANS, SPICES AND TEA IN TOTAL QUANTITY NOT EXCEEDING 1 KILOGRAM; • ALCOHOL BEVERAGES IN ORIGINAL PACKAGING, PROPERLY LABELLED, IN TOTAL QUANTITY NOT EXCEEDING 1 LITRE; • BEVERAGES IN ORIGINAL PACKAGING, PROPERLY LABELLED, IN TOTAL QUANTITY NOT EXCEEDING 5 LITRES; • BOTTLED WATER IN ORIGINAL PACKAGING, PROPERLY LABELLED, IN TOTAL QUANTITY NOT EXCEEDING 5 LITRES; • COMBINED AND OTHER TYPES OF FOOD, PROPERLY LABELLED, FOR DIRECT CONSUMPTION BY THE END USER, NOT REQUIRING SPECIAL TEMPERATURE STORAGE CONDITIONS, IN THE ORIGINAL PACKAGING UNLESS IN CURRENT USE, IN TOTAL QUANTITY NOT EXCEEDING 1 KILOGRAM.
HRANU JE POTREBNO PRIJAVITI GRANIČNOM CARINSKOM ORGANU PRI DOLASKU NA GRANIČNI PRELAZI! FOOD MUST BE REPORTED TO THE BORDER CUSTOMS UPON ARRIVAL TO THE BORDER CROSSING!	
ZAHVALJUJEMO NA SARADNJI I RAZUMIJEVANJU!	THANK YOU FOR YOUR COOPERATION AND UNDERSTANDING

OBAVJEŠTENJE O DODATNIM INFORMACIJAMA ZA LIČNE POŠILJKE

1. Manje količine mesa i mlijeka i njihovih proizvoda (osim mlijeka u prahu za odojčad, hrane za odojčad i posebne hrane ili posebne hrane za kućne ljubimce koja se koristi iz medicinskih razloga)

U Crnu Goru se mogu unositi ili poslati lične pošiljke mesa i mlijeka i njihovih proizvoda (osim mlijeka u prahu za odojčad, hrane za odojčad i posebne hrane ili posebne hrane za kućne ljubimce koja se koristi zbog medicinskih razloga), a njihova masa ne prelazi 10 kg po osobi.

2. Mlijeko u prahu za odojčad, hrana za ishranu odojčadi i posebne hrane ili posebne hrane za kućne ljubimce koja se koristi zbog medicinskih razloga

U Crnu Goru se mogu unositi ili poslati lične pošiljke mlijeka u prahu za ishranu odojčadi, hranu za ishranu odojčadi i posebne hrane ili posebne hrane za kućne ljubimce koja se koristi iz medicinskih razloga, ukoliko:

- ukupna količina ne prelazi ograničenje mase od 10 kg po osobi i ako:
 - se proizvod ne mora hladiti prije potrošnje;
 - je proizvod originalno upakovan sa žigom proizvođača, i
 - pakovanje nije oštećeno, osim ako se trenutno koristi.
- ukupna količina ne prelazi ograničenje mase od 2 kg po osobi, i ako:
 - se proizvod ne mora hladiti prije potrošnje,
 - je proizvod originalno upakovan sa žigom proizvođača, i
 - pakovanje nije oštećeno osim, ako se trenutno koristi.

3. Hrana za kućne ljubimce koja se koristi iz medicinskih razloga

U Crnu Goru se mogu unositi ili poslati lične pošiljke hrane za kućne ljubimce koja se koristi iz medicinskih razloga, ukoliko:

- ukupna količina ne prelazi ograničenje mase od 10 kg po osobi i ako:
 - se proizvod ne mora hladiti prije potrošnje,
 - je proizvod originalno upakovan sa žigom proizvođača, i
 - pakovanje nije oštećeno, osim ako se trenutno koristi.
- ukupna količina ne prelazi ograničenje mase od 2 kg po osobi, i ako:
 - se proizvod ne mora hladiti prije potrošnje,
 - je proizvod originalno upakovan sa žigom proizvođača, i
 - pakovanje nije oštećeno, osim ako se trenutno koristi.

4. Male količine proizvoda ribarstva za ličnu ishranu ljudi

U Crnu Goru se mogu unositi ili poslati u Crnu Goru lične pošiljke proizvoda ribarstva (uključujući svježu, sušenu, kuvanu, osoljenu ili dimljenu ribu i određene ljuskare ili mekušce, poput kozica, rakova, nežive dagnje i nežive kamenice), samo pod uslovom da:

- su svježe ribe eviscerirane,
- masa proizvoda ribarstva ne prelazi 20 kg ili masu jedne ribe po osobi, zavisno koja je masa veća.

5. Male količine ostalih proizvoda životinjskog porijekla za ličnu ishranu ljudi

U Crnu Goru se mogu unositi ili poslati u Crnu Goru ostale proizvode životinjskog porijekla, kao što su med, žive kamenice, žive dagnje i puževe, samo pod uslovom da:

- ukupna količina ne prelazi ograničenje mase od 10 kg po osobi,
- ukupna količina ne prelazi ograničenje mase od 2 kg po osobi.

6. Veće količine proizvoda životinjskog podrijetla

U Crnu Goru se mogu unositi ili poslati u Crnu Goru veće količine proizvoda životinjskog porijekla samo ako ispunjavaju zahtjeve za komercijalne pošiljke, što uključuje:

- stavljanje na uvid certifikata, kako je utvrđeno u odgovarajućim veterinarskim certifikatima,
- po dolasku u Crnu Goru stavljanje na uvid roba i dokumentacije nadležnim graničnim veterinarima za veterinarsku kontrolu.

7. Izuzeti proizvodi životinjskog porijekla

Proizvodi životinjskog porijekla koji su izuzeti:

- hljeb, kolači, keksi, čokolada i poslastice (uključujući slatkiše) koji nisu miješani ili punjeni mesnim proizvodima;
- dodaci ishrani pakovani za krajnjeg potrošača;
- mesni ekstrakti i koncentрати;
- masline punjene ribom;
- tjestenine i rezanci koji nisu miješani ili punjeni mesnim proizvodima;
- supe i začini pakovani za krajnjeg korisnika;
- svi ostali prehrambeni proizvodi koji ne sadrže meso, odnosno prerađeno meso ili mliječne proizvode, sa manje od 50 % prerađenih jaja ili proizvoda ribarstva.

8. Proizvodi od životinja zaštićenih vrsta

Za određene zaštićene vrste mogu važiti dodatna ograničenja. Za kavijar vrsta jesetre najveća dozvoljena masa iznosi 125 g po osobi.